

Nfirmazion aldò dl art. 13 dl urdinamënt (EU) 2016/679 dl Parlamënt Europeich y dl Cunsèi di 27 de auril dl 2016

Tituler dl dërt per la elaborazion di dac: La respunsabla per la elaborazion di dac ie la Provinzia Autonoma de Bulsan, Plaza Silvius Magnago n. 4, Palaz dla Provinzia 3a, 39100 Bulsan, e-mail: generaldirektion@provinz.bz.it, PEC: generaldirektion.direzione generale@pec.prov.bz.it

Responsabli per la scunanza di dac (ISD): Chisc ie i dac de cuntat dla ISD dla Provinzia Autonoma de Bulsan: Provinzia Autonoma de Bulsan, Palaz dla Provinzia 1, Ufize Urganisazion, Plaza Silvius Magnago n. 1, 39100 Bulsan, E-mail: dsb@provinz.bz.it, PEC: rpd_dsb@pec.prov.bz.it

Fins dla elaborazion: I dac dac ju vën laurèi ora dal personal dla direzion dla scolines o dal personal provinziel revardënt, nce te na forma eletronic, per fins istituzionei n relacion ala ativeites y ai duvieres dla scolina. Aldò dl art. 6 coma 1 lëtra e) dl urdinamënt (EU) 2016/679: “val de bujën de lauré ora (...) per se rënder cont de n duvier, che ie de nteres publich”. Sciche fundamëntes giuridiches vëniel adurvà danter l auter la leges provinzieles n. 36/1976 (Urdinamënt giuridich dla scolines) n. 20/1995 (Organ colegial dla scoles), n. 5/2008 (Fins de furmazion generei y regulamënt dla scolina) y n. 7/2015 (Inclujion de persones cun handicap); l decret dl Presidënt dla Jonta Provinziela n. 21/1994 (Dërt de azes ala documentazion aministrativa), la lege n. 104/1992 (Sustëni, nserimënt soziel y dërt de persones cun handicap) y l decret legislatif n. 73/2017 (duvier de fé la dlaveies).

La persona respunsabla per la elaborazion ie la diretëura dla scolines n ncëria te si sënta de *lëur*. *La comunicazion de dac va de bujën acioche la mutans y i mutons posse unì scric ite te scolina* y che l posse unì adempli i duvieres aministratifs liei a chësc. Sce i dac ne vën nia metui a despusizion ne possa la dumandes menedes ite nia unì lauredes ora.

Destinadëures o categories de destinadëures di dac persunei: I dac che metëis a despusizion dla uniteies urganisatives dla aministrazion provinziela (sciche l Departimënt Scola y Cultura Ladina per adempli i duvieres n relacion ala scolina o la procura provinziela n relacion a prozedures giudizieles o l Ufize aministratif per la stredes n relacion a dumandes de indenisazion extragiudizieles) chël uel di a terc, che fej prestacions de servisc per la scolina, sciche per ejëmpl assicuracions (n relacion a nzidënc, che ti muessa unì comunichi ala assicurazion contra nzidënc de sculées/sculeies dla Provinzia) o a de outra firmes de servisc (che fej per ejëmpl i servijes digitei, p.ej. n relacion al register eletronic o ala manutenzion y la aministrazion dl sistem tecnich-infurmatif nce tres *cloud computing*). L Cloud Provider Microsoft Italia GmbH, che ie prestadëur de servisc de Office365 Suite, se à mpenià sun la basa de chësc cuntrat, de ne dé nia inant dac persunei ora dla Union Europeica y ora de paejes dl raion economich europeich (Norvegia, Islanda, Lichtenstein).

Defujion: I dac persunei che dajëis ju ne vën nia slargei ora.

Dureda: I dac vën memorisei tan giut, nchin che i va de bujën per adempli i duvieres giuridics n forza ti ciamps cuntribuc, cuntabilità y aministrazion. Do che l ie unì stlut ju l pruzedimënt vën i dac scartei, aldò dla despusizions provinzieles revardëntes per la cunservazion di documënc aministratifs.

Dërc dla persona revardënta: La persona revardënta à te unì mumënt la puscibltà de ti pudëi permez a si dac. La à l dërt che l vënie cumedà o cumpletà dac falei o nia cumplec. Tan inant che la cundizions giuridiches ie dates, possela se mëter contra la elaborazion o la eliminazion di dac o pretënder che l vënie limità la elaborazion. L formuler per la dumanda ie a despusizion sun la plata internet: <http://www.provinz.bz.it/de/transparenz-verwaltung/zusaetzliche-infos.asp>

Mesuns giuridics: Sce la persona revardënta ne giapa nia na risposta sun si dumanda nchin 30 dis do che chësta ie unida pida do dala aministrazion revardënta (l tiernul de 30 dis possa unì slungjà de autri 60 dis, sce chësc va de bujën pervia dla cumplessità o pervia dla truepa dumandes), possel unì reclamà pra l Ufize per la scunanza di dac o fat recurs dan suneria.